

Te Heheuraa Api

E ITE IĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 10

--ATOPA 1951 --

MAT. 38.

Te Ao Varua.

Te haapii mai nei te mau parau mo'a ra e, te vai ra te varua o taata nei i te Ao varua hou a'e i tae mai ai ratou i te ao nei, a rave atu ai i te hoê tino tahuti noa. E taua mau varua ta'u e faaite nei, o to tatou iho ia mau varua, e te vai ra hoi to tatou mau varua, i te Ao varua ra, hou a'e a hamanihia'i teie nei ao.

I P-tero 1:19 i te toto tao'a râ o te Mesia ra, mai to te arenio ino ore e te mai ore: 20 o tei haapao-atea-hia ĩa hou te tumu o teie nei ao, i teie nei râ mau anotan hopea i faaitehia mai ai no outou.

Ioba 38:4. I hea oe ia'u i haamau i te tumu o te fenua nei? a faaite mai na, peneia'e te ĩte ra oe. 5 Na vai i tuu i te faitoraa, ua ĩte hoi oe na? e na vai i tatai i te taura na nia iho? 6 I haamaubia te niu i nia i te aha? e na vai i tuu i te ofai tihi. 7 a fatu atea'i te mau fetia poipoi i te

himene, e ua pii noa te mau tamarii atoa a te Atua i te oaoa?

Koheleta 12:7 Ei reira te repo e ho'i ai i raro i te repo no reira oia ra, e ho'i râ te varua i te Atua i horoa maira.

Aita hoi te Atua i vaiho ia tatou i roto i te pōiri i taua vahi ra, i teie mau mahana hopea nei. I te tau a parahi ai te Peropheta ra o Iosepha Semita i te ao nei, na noa ia'na te hoê mau parau tuatapapa, o tei papai hia e te rima o Aberahama ra a parahi ai oia, o Aberahama, i Aiphiti ra, e ere hoi taua parau tuatapapa ra i te Buka a Moromona, e parau ê te tahi parau i te tahi, e te i'oa o taua parau tuatapapa ra ta Aberahama i papai, O te Buka Poe Tao'a Rahi ia.

Te na ô maira Aberahama i roto i taua Buka ra: "I teie nei inaha, ua faaite mai te Atua ia'n, ia Aberahama e, te mau varua e vai ra hou a'e a hamanihia'i teie nei ao, e i rotopu i taua mau varua ra, ta te Atua i faaite mai ra, te vai atoa ra te mau varua e rave rahi tei hau atu i te paari e te îte i te tahi, e ua i te hoi te Atua i taua mau varua ra, e e mau varua hoi ana'e ratou i te maiti, e a parahi ai Oia i roto ia ratou ra, na parau atura Oia; "E faariro vanu ia ratou e mau taata rarahi i te faatereraa i Ta'n ohipa," te tia noa ra te Atua i rotopu i taua mau varua ra, ite ihora Oia e, e mau varua maitai ana'e ratou, e ua parau mai ra Oia ia'u. e Aberahama e, o oe te hoê o ratou ra, ua maiti mau hia hou to oe fanauraa hia i roto i teie nei ao." *Buka Poe Tao'a Rahi, Aberahama 3:22-23*

Te faaite papu mai nei na irava i papaihia i nia nei e, te vaira te mau varua e rave rahi i te ao varua hou a'e ra-

tou i fanauhia mai ai i roto i teie nei ao. Mai te au i te Buka Poe Tao'a Rahi, o Iesu te hoê o taua mau varua paari e te îte, ta te Atua i parau atu, e o Satane hoi te hoê o ratou ra. Ua maitihia râ o Iesu ei Faaora i te mau taata atoa. O Satane ra, ua faaore-roa-hia ta'na ra titauroa tia ore.

Te tia ra te hoê, mai te Atua te huru, i rotopu i tana mau varua ra, e ua parau atura Oia ia ratou: *Buka Poe Tao'a Rahi Aberahama 3:24.*

Ua papu roa ia tatou e, te oaoa mau ra taua mau varua ta Aberahama i faaite maira, a faaroo ai ratou i te niraa ta te Atua i ui atu ia Ioba, i te na ô raa e! "I hea oe ia'u i haamau ai i te tumu o te fenua nei? a faaite mai na, peneia'e te îte ra oe. Na vai i tuu i te faaitoraa, ua ite hoi oe na? e na vai i tatai i te taura na nia iho? I haamauhia te niu i nia i te aha? e na vai i tun i te ofai tihi, a fatu atoa'i te mau fetia poipoi i te himene, e ua pii noa te mau tamarii a te Atua i te oaoa? *Ioba 38:4-7.*

O vai mau râ te hoê pae o taua mau tamarii varua a te Atua ra o tei pii noa'tu i te oaoa mai ta Ioba i faaite mai ra? Na te Evanelia a Luka e haamaramarama mai i te reira vahi: a tai'o na tatou i te pene 3 e i te irava 23 e tae noa'tu i te irava 38 te na ô maira te irava hopea. oia hoi te 38: "na Enosa, na Sesa, na Atamu, na te Atua."

Eiaha tatou e faaea noa i nia i taua irava ana'e ra, te na ô maira te hoê parau tahito ra e, "Ei reira te repo e ho'i ai i raro i te repo no reira oia ra, e ho'i râ te varua i te Atua i'horoa maira. *Koheleta 12:7.*

A ni ana'e na tatou ia tatou iho e, eaha ia e nehenehe ai ia tatou ia ho'i atu i te hoê vahi mai te mea aore tatou i

tae i reira i mua'tu. No reira, e homa, eaha ia e nehenehe ai i to tatou mau varua ia ho'i atu i te Atua ra, maori ra no reira mai to tatou mau varua nei. A tai'o atoa na tatou i ta Paulo i parau mai;

“E metua hoi to tatou to te tino nei, o tei a'o mai ia tatou, e ua faaite hoi tatou, eiaha ia rahi atu i to tatou curaa i te metua o te varua nei, e ia ora'tu.”

Aita o Paulo i vai i roto i te poiri i te parau e. “O te Atua te metua mau ia o to tatou nei mau varua,” e taua mau varua ta Paulo i parau mai ra, te parahi mau ra ratou i te ao varua hou i tae mai ai i roto i teie nei ao.

Ia tae mai te pobe i te tino tahuti nei, ei reira e huna-hia'i teie tino repo, e teie tino repo nei e ho'i ia i te repo no reira mai oia ra, e ho'i ia te varua i Parataiso.

I to Iesu fâ raa mai i ta'na ra mau pîpî, i muri a'e i to'na tia-faahou-raa; Hitimaue atura ratou, e te mehameha, parau a'era e varua ta ratou i hi'o ra. Ua parau maira oia ia ratou, Eaha outou i hiti maue ai? eaha i tupu ai te mana'o i to outou aan? A hi'o mai na i tau rima e tau avae; o van mau â; a fâfâ mai na ia îte; aita o te varua e i'o ete vi mai to'u nei. ta outou e hi'o mai nei. *Ruka 24:37-39.* Na aua mau parau i nia nei e haapîi mai ia tatou nei e, te vai mau ra te varua o te taata, hou a fanau mai ai i roto i te tino repo nei, e taua varua ra, o te hoê ia mea cra mau ma te i'o ie te ivi ore. E te vai mau ra, i taua mau varua ra, te ravea a haapîi i te mau mea atoa ta te Atua i hinaaro i te haapîi ia ratou, na noaa hoi ia ratou te îte e te faarii; e hau râ te hoê pae i te itoito i te tahi pae, mai te tamarîi a te taata nei te huru; Ua hau te hoê mau taata i te itoito i te tahi pae i

roto i teie nei ao.

Te vai nei na huru e toru no to tatou mau varua, oia hoi;

1--Te mau varua ta tino ore hia ra, i te tino tahuti nei, oia hoi, o ratou ia o tei ore â i rave i te tino tahuti noa.

2--Te mau varua ta tino hia ra i te tino tahuti, oia hoi, o te mau varua ia o te parahi nei i roto i te tino tahuti nei i teie nei â mahana.

3--Te mau varua o tei irihia to ratou tino tahuti ra, o tei haere na roto i teie huru o te oraraa nei e o tei haapae, i te tino tahuti i roto i te repo, e o tei tia-faahou i te hopea a tahoê faahou hia'tu ai te varua i te tino, oia hoi, te feia parau tia ra o te ore roa e faataa ê-faahou hia te varua i to'na tino tahuti ore ra. "Aita oe i hamanihia e au i roto i te opu, i ite ai au ia oe; e aita oe i fanau, i faataahia'i oe e au; e ua haapaohia oe e au, ei peropheta na te mau fenua. *Jeremia 1:5.*

Na roto i taua parau a te Atua ia Ieremia ra i noaa a'i ia tatou te îte e, ua faataa te Atua ia Ieremia ei peropheta, hou i tae mai ai oia i te ao nei a rave ai oia i te tino tahuti nei. Na te reira atoa tatou i haapii papu mai e, na roto i to Ieremia haapao maitai i te ao varua ra na noaa ia'na te îte e te paari, e aita hoi i hape taua maitiraa ia Ieremia ra ei peropheta hou i tae mai ai oia i te ao nei, no te mea ua haapao maitai oia i taua ohipa ra ta te Atua i heroa mai ia'na, aore roa o Ieremia i faatau e hoê iti a'e, rahi noa'tu te mau ati e te mau peapea i farerei hia e ana ra.

Ua haapii papu roa hia tatou na roto i ta Iesu i parau mai e, te vai mau ra te mau varua i te ao varua ra hou i tae

mai ai i teie nei ao. Te na ô maira te Evanelia a Ioane, "*Aore roa e taata e tae i nia i te ra'i maori ra o tei haere mai i raro nei mai nia mai i te ra'i.*" Te na ô faahou mai ra Ioane: "*A hiri paha outou i îte na i te Tamaiti a te taata i te hoi faahou raa i nia i te vahi ta'na i parahi i mutaa iho-ra.*" Ioane 6:62.

Na teie nei mau irava i faaite ia tatou e, e ore roa te hoê taata e hoi atu i te ra'i ra, maori râ, no reira mai oia, e na teie mau parau i haapii papu mai, ia tatou e, no ô mai i te ao varua to tatou mau varua atoa.

LeRoy Mallory.

EDITORIAL

Imi Te Parau Mau.

"Te haamori nei matou i te Atua mana hope mai te au i te aaui nei e e faatia'tu ra, hoi ia na reira atoa te taata atoa ia haamori, noa'tu te huru, te vahi e te mea ta ratou e hinaaro."

Mai te matamua mai â ua horoa hia mai i te taata nei ia haapao, mai te au i to'na hinaaro. Ahiri ua hinaaro te Atua i te faahopo i te taata nei, e tia noa ia'na ia na reira, no te mea e, tei ia'na te mana aita râ Oia i na reira.

Ua tuu mai te Atua i ta'na mau ture e ta'na mau faaueraa ei mau tauturu i te taata nei i to'na haapao-maitairaa. Ua faaite mai te Atua ia Iosepha Semita e, te vai mau nei te hoê ture i haamauhia i te ra'i ra, e tei nia i taua

ture ra, te faatumuraahia te mau haamaitairaa atoa, e ia noaa mai ia tatou nei te haamaitairaa no ô mai i te Atua ra, ua na roto ia i te haapao maitairaa i taua ture tumu ra, *Buka Fafau 130:20-21.*

Aita te Atua i haavi i te taata nei, e te faaroo nei matou e, e ere hoi ia i te mea tia i te mau hau, e te mau haapao-
raa ia tamata i te rave i to te taata nei tiamâ raa. **E** mea tia roa, te mau ture fenua o te faatere i te mau taata i te pae tino; no te pae varua râ, na te taata iho to'na feruriraa e to'na haapao raa, mai te mea e, eita oia e ofati i te mau ture fenua.

Ua faatia hia te Ekalesia a Iesu Mesia i te Feia Mo'a i te Mau Mahana Hopea nei, no te tantururaa i te taata, ia noaa mai ia'na te oaoa. Aita te taata i haamainihia no te Ekalesia, ua faatiabha râ te Ekalesia no te taata.

Te poro-haere-hia nei te Evanelia i te mau fenua atoa, no te mea e, te faaroo nei matou e, tei roto i te Ekalesia a Iesu Mesia te ora raa e te oaoa mau hoi. Eita te Ekalesia ê ani i te hoê taata ia faarue i te hoê tufaa o te parau mau, e aore ra te hoê maitai tei tapea hia e ana, no te mea e, o te parau mau, e te mau mea maitai ra, no ô mai ia, i te Atua ra.

Te ani atu nei te Ekalesia, i te mau taata atoa no te ao nei. A imi ontou i te Parau mau.

"E îte ia ontou i te parau mau, e na te parau mau ontou e faatiamâ." Ioane 8:32

15 **E** ara râ i te orometua haavare, o tei haere mai ia ontou ma te huru o te mamoe ra, area o roto ra, e Iuko taehae ia. 16 **E** îte ontou ia ratou i to ratou hoturaa, no

nia anei te vine i te tataramoa i te pafairaa mai: e te suke no nia anei i te motuu? 17 E faahotu mai te mau raau maitai atoa i te huero maitai, e te mau raau iino ra, e faahotu mai ia i te huero ino. 18 E ore e tia i te raau maitai ia faahotu mai i te huero ino, e ore atoa te raau ino e faahotu mai i te huero maitai. 19 Te mau raau atoa aore i faahotu mai i te huero maitai ra, e tâpûhia ia e e hurihia i roto i te anahi. 20 E îte hoi outou ia ratou i ta ratou i faahotu mai. “*Mataio 7:15-20.*

“*Eiaha e faaino, ia ore outou ia faainohia mai o ta outou hoi e faaino ia vetahi é ra, e faaino-atoa-hia ia ia outou i te reira: e te faito ta outou e faito atura. o te faito atura ia i ta outou. E eaha oe i hi'o ai ite pâpaa iti i roto i te mata o to taeae ra, e aore oe i ite i te raau rahi i roto i to oe iho mata; E eaha hoi oe e tia'i ia parau atu i to taeae, Ho-mai na'u, e iriti i te pâpaa i roto i to oe mata na, e inaha, e raau rahi hoi tei roto i to oe iho mata? E tera ra haavare e, e matana i te iriti i te raau rahi i roto i to oe iho mata; ei reira oe e îte maitai ai ia iriti i te pâpaa i roto i te mata o to taeae. “*Mataio 7:1-5.**

“*Eiaha e tinai i te varua ra, Eiaha e haapao ino i te a'oraa. E hiopoa maite i te mau mea atoa ra, e tei maitai ra e tapea maite.” I Tesalonia 5:19-21.*

LeRoy Mallory

E Tino Anei To Te Atua?

Ua îte tatou i te Ekalesia a Iesu Mesia i te Feia Mo'a i te Mau Mahana Hopea Nei, e tino to te Atua. Te na ô

maira te tahi mau ekalesia, aita to te Atua e tino. Teihea te pahonoraa ti'a i na mana'o e piti nei? Te na ô maira te Bibilia. "*E îte ia outou i te parau mau, e na te parau mau outou e faatiama.*" Ioane. 8:32.

Ua îte tatou iho nei, e tino to te Atua, no te mea, te faaite mai nei te bibilia *Genese 1:27*. "*Hamani ihora hoi te Atua i te taata ma to'na ihora huru, i hamani oia ia'na ma te hoho'a o te Atua ra: i hamani oia ia raua, o te tane e te vahine.*"

A hi'o tatou i te parau a Setephano i nia i ta tatou uiraa, e tavini mau oia no te Atua. "*E taata i i te Varua Maitai e te faâroo.*" *Ohipa 6:5*. Ua na ô a'era oia, "*Inaha, te îte atura vau i te ra'i ua veteahia, e te Tamaiti a te taata i te tiaraa i te rima atau o te Atua ra. Ohipa.*" 7:56. Te parau ra Setephano, i muri roa "e i te revaraa o Iesu i nia, na îte oia i te tamaiti a te taata, oia hoi o Iesu Mesia, i te tiaraa i te rima atau o te Atua. E rima anei to te Atua, e aore râ ua haavare anei Setephano? E ere paha o Setephano tei haavare, o te mau Ekalesia ra tei haavare, ua ruri ê ratou i te parau a te Atua, o ratou i parau ra e, aita to te Atua e tino; te na ô nei te irava i nia'e, oia hoi te irava e 55, "*I a'era oia i te Varua Maitai.*" oia hoi na uruhia Setephano e te Varua Maitai a parau ai oia i te parau ra e, "*Inaha, te îte atura vau i te ra'i ua veteahia, e te tamaiti a te taata i te tiaraa i te rima atau o te Atua ra.*" E aita te Varua Maitai e haavare. Mai te mea, e rima atau to te Atua aita anei to'na e rima au e e tino atoa? oia mau, e tino to te Atua, e ua hamanihia te taata e Iesu Mesia hoi i to'na ra hohoa. *Genese 1:27---Hebera 1:1-3 ---Iakobo 3:8-9*. Teihea te

parau e au ia tatou ia faarii, te parau e Setephano anei e te Bibilia tei faaite mai e, e tino to te Atua, aore râ, te mau Ekalesia tei faaite mai e, aita to te Atua e tino. Tei ia outou te farii i ta outou e hinaaro, te maitai e te iho, te parau mau e te haavare, no te mea, ua papaihia i te buka Moromona 2 Nephi 10:23 e te bibilia atoa, *E tena na, ia oaoa to tatou aau, e e haamana'o e, e mea tiama outou ia rave noa'tu i te au i to outou hinaaro--ia rave i te e'a o te pohe mure ore, e aore ra, i te e'a o te ora mure ore."*

Tera atoa mai te tahi parau no roto mai i ta bibilia te faaite papu mai e, e tino to te Atua. "Ia faaau atoa tatou i to tatou mana'o i te reira e tia'i.

"Ua na ô maira râ oia, E ore oe e tia ia hi'o mai i tau mata; e ore roa hoi te hoê taata e ora ia na reira i te hi'o mai ia'u: ua parau mai ra Iehova, ei tiaraa no oe i nia ite mato nei; e ia haere to'u nei huru hanahan na pikai iho ra, e tuu atu vau ia oe i roto i te tao'a mato ra a tapoi atu ai au ia oe i tau rima, ia haere au na pikai iho; e e iriti hoi au i ta'u rima e e i te mai oe i tau tua; ore tau mata, e ore roa ia e tia ia hi'o." Ezodo 23:20-23.

E tua anei to te Atua? E rima anei e e mata nei To'na? Te na ô mai râ te parau a te Atua, E, Te na ô mai râ te mau Ekalesia a te taata, Aita. E faaroo anei outou i te parau a te Atua, e ore ra, i ta te tahi mau taata?

Tera atoa mai te tahi parau a te Atua no roto mai i te bibilia: "Haere atura Mose, e o Aarona, e o Nadaba, Abihu, e na matahiapo o Iseraela e hitu ahuru ra i nia i te mo'u'a. Ite atura ratou i te anaana o te Atua o Iseraela, e mai te patu ofai saphira i raro a'e i tana avae, mai te ra'i mau

ra te huru i te anaana. E aita ra oia i rave noa mai ta'na rima i nia i taua feia matahiapo o Iseraela ra, ua îte noa ratou i te anaana o te Atua, e na amu ana'e ratou i te maa, e ua inu hoi i te pape." Exodo 24:9-11. E, e te tahi irava tanturu. Oia hoi, Exodo 33:11. "Ua paraparau noa mai Iehova ia Mose, mai te taata e parau noa i muna i te mata o to'na ra taua."

E avae anei to te Atua! E aore ra ua haavare anei o Mose ma e te hitu ahuru no Iseraela? Tè parau nei Mose ma e te hitu ahuru no Iseraela i ta ratou i îte, te parau nei ra te mau Ekalesia i to ratou mana'o aita to te Atua e avae. Tei ia vai te parau mau? Mai te mea e, e rima, e e mata, e e tua to te Atua, aita anei to'na e tino, e aita anei e tia te parau ra e, "Hamani ihora hoi te Atua i te taata ma to'na ihora huru, i hamani oia ia'ua ma te hoho'a o te Atua ra; i hamani oia ia rana, o te tane e te vahine." Genese 1:27.

Ua na ô mai ra te bibilia, "E îte ratou i to'na mata." Apokalupo 22:4. O ratou te Feia mo'a, oia hoi, te parau ti'a, e hi'o ratou te mata o te Atua.

Te pari mai nei te mau ekalesia i te Ekalesia "Momi" i te haapiiraa e e tino repo to te Atua. E tino repo anei to te Atua? Aita, e tino hanahana ra to'na o te ore e roohia mai e te tahuti. E hohoa anei te taata no te Atua? E, e hohoa te taata, e te vai ra te tau e ho'i to'na ra tino repo i te repo, no reira mai oia, na roto i te poheraa, e te vai atoa ra te tau e faatiahia to te taata ra tino i nia ei tino hanahana i roto i te tia-faahou-raa, o te ore e roo-hia-faahou-hia e te tahuti; e mai te mea ra e, ua haapao maitai oia i te mau ture a te Atua e ua noaa ia'na te mau maitai e vai i

roto i te Atua, ei reira te taata e riro ai ei hohoa tia no te Atua.

Te na ô mai râ te mau Ekalesia no te taata. “E Varua ana’e ra te Atua.” Ioane 4:24. E, e parau mau te reira. Oia hoi, te taata atoa. “E Varua hoi te taata. E mea mure ore hoi te mau mea rii tumu, e te varua e te mau mea rii tumu, ia ore roa ia faataa-faahouhia ra, e faarii râ i te îraa no te oaoa; ia faataa-ê-hia ra te reira aore te taata e farii i te iraa no te oaoa. Te mau mea rii tumu e puhaparaa ia na te Atua; oia ia e puhaparaa te taata nei na te Atua, e mau hiero hoi; e ia haaviivihia te hiero ra, na te Atua ia e haamou i te reira hiero.” Buka Fafan 93:33-36.

Ua na ô mai râ ta tatou irava haamataraa. “E îte ia outou i te parau mau, e na te parau mau outou e faatiamā.” Ioane 8:32. E teie nei, ua îte outou i te parau mau. Oia hoi, te parau a te Atua, no roto mai i te Bibilia. A feruri maitai outou i teie mau parau i papaihia. E na outou e farii mai te parau a te Atua, e aore râ, te parau a te mau Ekalesia a te taata. A faaitoito tatou e e rave tatou i te chipa a te Atua. E haamaitai outou i te Atua. Amene.

Jack Robinson. (Tihati)

To Tatou Ti'araa.

“Na na îte too piti e aore ra too toru e faatiamā i te Parau mau.”

Te parau nei vau te I, te I, te I e 3 ia. E parau mau ihoa ia e aita roa te hoê taata e ti'a ia parau mai e, e haavare. Oia ato'a te piti e te hoê amui hia e toru, e na reira ato-

'a te hoê ete piti e na tana na îte too toru nei e faatiamâ i te numera 3

Te parau nei vau e o te Puta à MOROMONA ra e Parau Mau ia na Te Atua, no te mea te vai ra na îte too toru e na îte too vau i te omua raa o taua Puta ra, e ua iritihia ei reo Paratane na roto i te urn raa o te varua o te Atua oia hoi na roto ite Urima e te Tumima (te hi'o ia ate mau Peropheta o te anotau tabito.)

Na vai e faatiamâ ite parau ra e, "Te Buka à MOROMONA ra e Parau Mau ia na te Atua." Maite au ite Hiroa Faaroo 8 tei papai hia e te rima o Iosepha Semita te Peropheta ote anotau hopea nei? Teie te pahono raa, na na îte too piti e aore ra too toru.

I - Ezekiel 37:15-17. "Ua tae mai ra hoi te parau a Iehova ia'u nei, na ô maira ra. E rave â hoi oe e te tamaiti a te taata na, ite hoê raau, a papai ai ini'a iho. Na Iuda e na te tamarii a Iseraela, o to'na ra mau hoa, e mai reira hoi, a rave ai i te tahi raau, a papai ai inia iho, No Iosepha, te raau na Epharaima, e te utuafare atoa o Iseraela' o to'na ra mau hoa: a taati atu ai i te tahi i te tahi ia hoê â raau; e ia riro ei hoê i roto i to rima na."

Te huru no te papai raa i te anotau tabito, mea papai ia inia i te raau e aore ra inia i te mau metalo. No reira ua faaue te Atua i to'na tavini ia papai ite hoê parau inia ite raau ei parau tuatapapa no te ati Iuda ete Utuafare no Iseraela, taua parau tuatapapa ra o te "BIBILIA" ia. E te tahi o te raau ia na Iosepha e na Epharaima e te Utuafare atoa o Iseraela ei papai raa i to ratou parau tuatapapa e taua raau ra ote "BUKA A MOROMONA" ia.

Aita roa teie na Puta i taa ê. Ua tanturu ra te tahi

ite tahi, e ua riro raua ei hoê i roto ite rima ote Ekalesia a Iesu Mesia ite Feia Mo'a no te mau Mahana Hopea nei, mai te au ite irava 17 o ta tatou parau. O vai te hoê Ekalesia e rave nei e piti puta ei avei'a nona i roto i to'na rima?

2 - Isaia 29:4. "E tuu haehaa hia oe i raro roa; e mai te mea no raro mai ite repo ra ta oe parauraa mai, na raro mai ite fenua, to oe reo, mai te reo o te auba ra, e e ei raro oe ite repo e mutamuta no mai ai ia parau."

Eaha te mea e ti'a ia paraparau mai na raro mai i te repo? te mau parau tuatapapa ia, ote hoê nunaa tei ora i mutaa ihora o tei mon roa i muri mai e ua vaiho râ ratou ito ratou mau parau tuatapapa i roto ite hoê puta na ratou iho i papai e a mo'e atoa atu ai, i roto ite repo. I teie tau hopea nei, ua îte hia mai taua mau parau tuatapapa ra i roto ite hoê puta no roto mai ite repo. E maite mea ra e, e taata mau ihoa teie e parau mai nei na raro mai ite repo. Ote "BUKA A MOROMONA" ia taua puta i îte hia mai no roto mai i te repo ra.

3 - Salamo 85:11 "E tupu mai te parau mau no roto ite fenua, e hi'o mai hoi te parau ti'a mai te ra'i mai."

No roto mai hoi te BUKA A MOROMONA ite fenua te tupu raa mai oia hoi te îte raa hia mai, ua taua irava nei ia e faaite mai ite huru o taua Buka nei, aore atu ia a tatou e tatara raa, maori ra o tei faaite hia mai ete irava nei, oia hoi e tupu mai te Parau Mau no roto mai ite fenua ote "BUKA A MOROMONA" ia.

Te vai atura iteie numera i mua nei te tuatiraa o teie parau.

Papaihia e Tehina a Tapu.

To Tatou Nei Ora Raa.

Eaha ia to tatou mau ora raa ia tatou nei. E mea faufaa anei? e a ore ra e mea faufaa-ore anei? Eaha te tumu no to tatou ora nei? ia arearea noa? ia haapao-ore noa i te mau ture-na-tura ra? ia hamani-ino-noa ito tatou mau tino? ia faahama i te mau taata-haapao-ture ra?

Eiaha roa tatou e na reira, afaaitoito tatou ia ratou a faatura tatou ia ratou, mai te mea e, te hinaaro ra ratou é rave i te ohipa maitai a tauturu tatou ia ratou. E ohipa faahiahia ta ratou e rave ra. A rave atoa tatou i taua ohipa ra, ia riro to tatou mau ora raa ei faufaa ia tatou, e ia ore râ tatou e na reira e haamou-hia to tatou tino e te ino o te ao nei.

Mai te uiraa hoê ra, eaha to tatou ora raa? e ere anei te hoê ravea ia faaô ia ratou i te basileia o te Atua ra? Oia mau ia. Na roto i to tatou ora raa i nia i teie nei ao é ô tatou i roto i To'na basileia, mai te mea e, ia haapao i te mau ture taatoa, e te mau parau a te Atua. Eiaha é haapao-ore i te reira, é ô ihoâ tatou i roto i te basileia a te Atua ra. Te parau ra paha outou e, Eita é nehenehe ia haapao i ta Iesu i parau ra e Ta'na mau ture hoi, te parau nei au ia outou e Nehenehe, mai te mea ia hinaaro ite haapao. E ere anei? Area ra, a hio na, mai teie ra te huru, e haapao tatou e a ore ra, e tamata tatou ia haapao i ta'na mau parau ra, a mana'o na oe, aita anei to tatou ora raa, e to tatou ra tino atoa hoi, e riro ei faufaa na tatou ia na reira i te haapao ra? Oia mau ia!

E ere anei o te taata e faaino nei i to'na iho tino mai te mea ra ia e, te faarepo nei, e te haamou nei i to'na tino?.. "te mau mea tei haere i roto, e hoi faahou ia i rapae e tia'i.." Ua parau mai te hoê taata ia'u, "te mau mea tei haere i ra-

pae te tino i faufauhia, area, te mau mea tei haere i roto, aore i faufau hia." Mai te mea e haere te hoê taata i roto i te fare, e é vari to niaiho i to'na tia'a, aita anei i repo taua fare ra? oia, e repo hia ihoa, e te mau mea avaava ra tei haere i roto i to vaha ra, i ite hia e tatou, ua avaava hia to vaha ra. Hoê â huru taua na faaite ra i te ino o to te ao nei, ia rave hia e tatou i te ino i roto i to tatou tino, ua viivii to tino ra e to ora raa hoi. No reira ia e tia roa, ia rave tatou Paatoa i te mau maitai ra. Atira ia? ia ora na outou a faaitoito â? Mai ia Iesu ibo â.

Papaihia e Elder Jack F. Park.

O te î raa o te fenua nei no outou ia; te mau puaa no te aru, e te mau manu no te reva, e te mau mea i paima haere na nia i te raau ra e o tei hahere na nia i te fenua nei; oia ia, e te mau raau rii, e te mau mea maitai o te tupu mai na raro i te fenua nei, ei maa e ei faaahu, e no te mau fare, e te mau fare vairaa maa na te puaa, e te ô raau rahi maa, e te ô maa rii, e te ana faaapu vine; e te mau mea atoa e na raro mai i te repo i te tupu i te tau mau ra na ha-manihia ia na te taata, e ei maitai no te taata, ia manruuru te mata, e ei faaoaoa i te aau; oia ia, ei maa e ei faaahu, no te amu e no te hana, ei faaetaeta i te tino e ei faaitoito i te varua. E na manruuru i te Atua ia horoa oia i teie atoa nei mau mea na te taata; no reira hoi i haamanihia ai, ia rave hia mai ta au, eiaha mai te amu faatina, eiaha atoa mai te titauraa tia ore.